


Cosmographie Vniuerselle

se : où Robernal les laissa, marry du tort que sa parente luy auoit fait, & ioyeux de les auoir puniz, sans se souiller les mains en leur sang. Comme ils font là, ils dressent leur petit mesnage, bastissent vne loge de fuicelles, & se font des lits de melme, iuiques à ce qu'ils eurent occis des bestes en abondance, desquelles ils mangeoient la chair, & viuoient des fructs : car de pain ils n'auoient moyen d'en auoir. Mais c'estoit pitie d'ouyr les rauages, que ces malings esprits leur faisoient autour, & comme ils talchoient d'abbattre leur logette, se presentans en diuerses especes & figures d'animaux effroyables : mais à la fin vaincuz de la constance & perseuerance de ces Chrestiens contrits de leurs faultes, ne les affligerent ou inquieterent dauantaige, sinon que souuent la nuit ils oyoient des criz si grâds, qu'il sembloit que ce fussent



plus de cent mil homes qui fussent ensemble. Durant ce temps, ceste femme de-
uint grosse, (de laquelle ie vous represente cy dessus le pourtrait, ensemble de
l'Isle, avec la maniere & facon que ceste guerriere combattoit contre ceste vermine,
qui ne talchoit qu'à la surprandre pour la deuorer & son enfant aussi.) & comme elle
estoit pres de son terme, le pauvre Gentilhomme trespassa de tristesse & fascherie,
qu'en huit mois qu'il estoit là, il n'estoit passé vaisseau quelcôque, duquel ils peuf-
sent auoir secours, soulagement & liberte. Ceste mort fut fascheuse à la femme: tou-
tefois faisant de necessite vertu, tant la maistresse que seruante, se deffendoient, tres-
uaillamment des bestes farouches, avec leurs harquebuses, & l'espee du deffunct,
& estoit si adextree à tirer de l'harquebuz, que pour vn iour elle m'a assure auoir
tué trois Ours, dont l'un estoit aussi blanc qu'un œuf. Produit qu'elle eut son enfant,
& baptisé, à sa mode, au nom de Dieu, sans ceremonies, voicy fortune qui luy va do-
ner un autre assault. Ce fut que la seruante suyuit le chemin du gentil amoureux, le
seize ou dixseptieme mois qu'ils estoient dans l'Isle, & peu de temps apres, l'enfant